



Mette Arge-Hammeken, Naleraq
Inatsisartunut ilaasortaq
Inatsisartut@inatsisartut.gl

Umiarsuit pilersuisut pillugit § 37 naapertorlugu apeqquteqaammut 2026-108-mut akissut

Dato: 30-07-2026
Sagsnr.: 2026 - 12169
AKT-ID.: 26601593

Asasara Mette,

Inatsisartut suleriaasianni § 37 naapertorlugu umiarsuit pilersuisut pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut paasissutissiissutigisinnaavaat Tasiilamut umiarsuaq pajuttaat pillugu ukiuni kingullerni assartuussinerup pitsaanerulersinneqarnissaanut suliniutit qanoq angusaqarfiusimanersut, aammalu ullumikkut innuttaasut naammaginatut pilersorneqarnissaat qulakkeerneqarsimanersoq?

Akissut: Apeqqutit Royal Arctic Line-mut ingerlateqqippara, tassanngaanniillu ilisimatitsissutigineqarpoq:

"Kalaallit Nunaanni Umiarsualivinni ilisimasortat allapput, ukiup sikua Tasiilamut umiarsuit angallannerinik novembarip aallartinneraniit juunip qiteqqunneranut mattussisartoq. Tamatuma peqatigisaanik sumiiffimmi sikorsuit ingerlaartuutut, aammalu piffissat ilaanni ilulissat sikumernillu umiarsuit tikinnissaannut ajornakusoortitsisinnaasut akornusiisinnaallutilluunniit.

Ukiut tallimat kingulliit ingerlanerini Royal Arctic Line maajip qaammataani ukioq angallaffiusoq ammarlugu angallatit sikusiornissamut mattussakkat, sikut ajornakusoornartillugit angalanissamut piginnaanilluttut uppersarneqarsimasut atorlugit Tasiilamut apuuttarsimavoq. Angallatit sikusiutaanngillat, kisiannili sikoqangaatsianngitsumi angalasinnaallutik. Piffissap angallaffiusup ammarnissaa sikut pissusaannik ingerlaavartumik alapernaarsuinerit tunngavigalugit pilersaarusiorneqartarpoq, tassungalu umiarsuit naliliinerat, sikut assinginik misissueqqissaarnerit, kiisalu oqartussaasut attuumassutillit aamma Kalaallit Nunaanni Sikunik Alapernaarsuiffiup oqaloqatigineqarneri ilaatinneqartarput.

Siusinnerusukkat Tasiilaq sapaatit akunneri pingasukkaarlugit umiarsuarmik tikinneqartarpoq. Umiarsuup assartuutip Nanoq-p titarnermut tungujortumut qaamasumut angalatinneqalernerata sapaatit akunnerisa marluk missaat allortarlugit tikinneqartalerpoq. Tikittartut

akulikinnerulernerini aamma sumiiffimmi nunaqarfiit tikinneqartalerput, tassungali Nanoq-p piffissat Ittoqqortoormiunut angalaffigisai ilaatinneqanngillat."

Royal Arctic Line A/S-ip allaaserisaatut, Tunumi sikut silalu piffissami pineqartumi umiarsuit illoqarfimmut tikinnissaannut killiliisarput. Naalakkersuisut aamma Royal Arctic Line A/S sikut silalu apeqqutaatillutik tikittartut sapinngisamik amerlisinneqarnissaat pillugit suleqatigiipput.

Apeqqu 2: Naalakkersuisut paasissutissiissutigisinnaavaat Ittoqqortoormiit umiarsuaq pajuttaat pillugu siusinnerusukkut tikinneqartalernissaat pillugu anguniakkat qanoq piviusunngortinneqarsimanersut, aammalu ullumikkut innuttaasut naammaginartumik pilersorneqarnissaat qulakkeerneqarsimanersaq?

Akissut: Apeqqutit Royal Arctic Line-mut ingerlateqqippara, tassanngaanniillu ilisimatitsissutigineqarpoq:

"Kalaallit Nunaanni Umiarsualivinni ilisimasortat allapput, ukiup sikua Ittoqqortoormiunut umiarsuit angallannerinik septembarip naaneraniit juulip aallartinneranut mattussisartoq, kiisalu piffissaq sikoqanngiffiusoq nalinginnaasumik juulip naaneraniit septembarip qiteqqunneranut atuuttartoq.

Royal Arctic Line-p ukiuni kingullerni umiarsuup siulliup Ittoqqortoormiunut tikinnissaa aggustip aallartinneranut pilersaarutigisarsimavaa. 2026-mi umiarsuup siulliup juulip naanerani tikinnissaa pilersaarutigineqarpoq. Piffissaliussamat piffissami sikoqassuseq eqarsaatigalugu sumiiffimmut isumannaatsumik angalanissamat periarfissat eqqarsaatigineqarput.

Ittoqqortoormiunut angalasarnerup Kalaallit Nunaanni ornigassanut amerlanerpaanut angalasarnerup allaanerussutigaa, prammi ikiortigalugu usingiaasoqartarmat usilersortoqartarlunilu. Tamanna atorunut, pilersaarusiornermut inuttaqarnermillu immikkut ittunik piumasaqaateqarfiuvoq, ataatsimullu isigalugu umiarsualivinni toqqaannartumik taliffigineqarsinnaasuni piffissanut suliffiusunut naleqqiullugu sivilisunerusumik sulisoqartarluni.

2024-mili Royal Arctic Line ukiumut umiarsuit tikittartut saniatigut umiarsuaq pajuttaat Nanoq atorlugu angalanissamik pilersaaruteqartarpoq. Taamaalilluni ukiumut tikittartut marluusut pingasunngorput. Ataatsimut isigalugu ukiumut umiarsuit tikittartut pisinnaasaat tamakkerlutik nassiunneqartartunit annertunerupput, pingaartumik Nanoq-p saniatigut tikittalerneratigut. Tamatumani pisinnaasat pilersaarutaasut piffissami pisariaqartitat kisiisa tunngavigalugit aalajangerneqarneq ajortut, kisiannili aamma pilersuisussaataitanerup atuuttut tunngavigineqartarnera takutinneqarpoq."

Matuma siuliani allaaserineqartutut Royal Arctic Line A/S-ip Ittoqqortoormiunut tikittartut ingerlaavartumik amerlisarpei. 2024-mi Royal Arctic Line A/S-ip illoqarfimmut tikittut Naalakkersuisut kissaataat naapertorlugit ilavai.

Apeqquut 3: Naalakkersuisut naliliinerat naapertorlugu nunatta kangiani umiarsuarnik pajuttaatinik pilersuinerup pitsaanerulersinneqarnissaanut ukiuni kingullerni suliniutit qanoq sunniuteqarsimanersut, aammalu innuttaasut pilersorneqarnikkut atugaat pitsaanerulersimanersut imaluunniit suli annertuunik aaqqiiffiqineqanngitsunik ajornartorsiuteqarnersut?

Akissut: Apeqquutit taamaallaat Tunumi umiarsuit pilersuinerannut tunngasutut paasivara. Taamaattumik apeqquutit Royal Arctic Line-mut ingerlateqqippara, tassanngaanniillu ilisimatitsissutigineqarpoq:

"Maanna angalariaasiusoq ataatsimut isigalugu Tunumut akunnittarnerit siomatigumut naleqqiullutik sivikinnerupput. Tamanna pingaartumik inuussutissanut nioqqutissanullu allanut, killilimmik atasinnaassuseqartunut pingaaruteqarpoq, piffissat assartuussiffiusut sivikinnerunerat pisiniarfinnut apuussinermi piffissat atasinnaaffiusut sivitsortinneqartarmata. Tikittartut amerlineqarnerat aammalu piffissat akunniffiusut sivikinnerunerat tunngavigalugit Royal Arctic Line nalilivoq, Tunumut pilersuineq ataatsimut isigalugu ukiut siuliinut sanilliullugu pitsaanerulersimasoq.

Royal Arctic Line-p nalinginnaasumik ukiumi Tunumut angalanerup kingulliup novembarip aallartinneranut pilersaarutigisarpaa. Piffissap taamaalernerani Tasilap eqqaani nunaqarfiit arlallit sikulertarput, tamatumalu peqatigisaanik qaammatip naajartornerani sikoqassuseq silarlullu annertusingaatsiartarput. Qaqutigoortumik pisartutut umiarsualivinni ilisimasortap piffissap angallaffiusutut allaaserisaanit kingusinnerusukkut tikisitsisoqarsimavoq.

Tamatuma saniatigut ingerlatseqatigiiffik saniatigut angallatinik, piffissamik angallassiffiusumik sivitsuisinnaasunik atugassaqaanngilaq, angallatit attartukkat, piffissami angallaviusumi atorneqartut sullissinernut pilersaarutaasunut allanut atorneqartussaammata."

Umiarsuit tikittartut amerlanerulernerisigut innutaasunut pilersorneqarnermi atugassarititaasut ataatsimut isigalugit ukiut siuliinut naleqqiullugu pitsaanerulersimammata Naalakkersuisut Royal Arctic Line A/S isumaqatigaat.

Siorna ukiukkut Naalakkersuisut Innuttaasut, suli pisiniarfinni nioqqutissanik amigaateqartoqarnera pillugu saaffiginnissutaannik tigusaqarput. Nioqqutissat neqeroorutigineqartussat KNI A/S-imit aalajangersarneqartarput, suliallu isumagineqartarnera Royal Arctic Line A/S-imut attuumassuteqaanngilaq. Tamanna pissutigalugu Naalakkersuisut Naalakkersuisoqarfiit attuumassuteqartut peqatigalugit Pilersuisumi nioqqutissat amerlineqarnissaanik, aammalu umiarsuit pilersuisut pisinnaasaasa pitsaanerulumik atorneqalernissaannik sulissuteqarput.

Apeqquut 4: Naalakkersuisut pilersaaruteqarpat Ittoqqortoormiunut, Tasiilamut kiisalu Avannaani illoqarfinnut nunaqarfinnullu upernaakkut pilersuinnermut umiarsuit siusinnerusukkut tikittalernissaat qulakkeerniarlugu? Taamaappat qanoq iliuusissat pilersaarutigineqarpat, aammalu qaqugu atuutilersinneqarnissaat naatsorsuutigineqarpa?

Akissut: Naalakkersuisut Royal Arctic Line A/S Ittoqqortoormiit, Tasiilap Tunumilu sumiiffiit allat siusinnerusukkut tikinneqarsinnaaneritut periarfissat pillugit ingerlaavartumik oqaloqatigaat, maannarpiarli umiarsuit pilersuisut upernaakkut siusinnerusukkut tikittalernissaannik atuutsitsilernissamut pilersaarutininik aalajangersimasunik piareeqqasoqanngilaq. Kalaallit Nunaata Avannaanut Tunumullu tikittartut amerlineqarsinnaaneritut, ukiumoortumik sikusarnerata allanngorarnera apeqqutaavoq. Sikup naatsorsoruminaannerata siunissami umiarsuit tikittarneritut pilersaarusiortarneq ajornakusoortippaa.

Royal Arctic Line A/S ukiumut ataasiarluni angalanissanut pilersaarutininik, ukiup tulliani atuuttussanik aalajangersaasarpog. 2027-mut angalanissanut pilersaarutit aalajangersarneqalerpata, nunatsinni isorliunerusunut tikittartut amerlineqarsinnaaneritut periarfissat misissuiffigissavakka.

Tamatuma saniatigut Royal Arctic Line A/S ilisimatitsivoq:

"... Tunumut Avannaanullu imaatigut angallannermut periarfissat suli annertuumik siku, sila isumannaallisaanermilu eqqarsaatigissassat allat sunniisarput. Sullissinermi atugassarititaasut ilanni sapinngisamik siusissukkut sapinngisamillu patajaatsumik tikittoqarsinnaanera siunertaralugu, ingerlatseqatigiiffimmiit ineriartorneq ingerlaavartumik malinnaaffigineqartarpoq.

Tamatuma peqatigisaanik Royal Arctic Line naliliivoq, ukiuni kingullerni tikittartut amerlinerisa ingerlasussanillu aaqqissuussinerup piareersaasarnarullu pitsanngornerisa kingunerisaannik, Tunumut Avannaanullu pilersuinnerup isumannaassusia ataatsimut isigalugu pitsanngoriarsimavoq. Pitsanngueqqinnissamulli periarfissanut suli siku silalu annertuumik apeqqutaasussaapput.

Tikittussanik siuartitsinissamut periarfissaqarnissamut pilersuinnermut ataqatigiinnera tamakkiisoq isiginiarneqartussaavoq. Nioqqutissanut amerlasuunut piffissamut nassiussiffiusumut piffissaq umiarsuup aallarfia kisimi apeqqutaaneq ajorpoq, kisiannili aamma pilersuisuusut piffissaq tunisassiorfiat, atuisullu nassiussanik tunniussiffiat apeqqutaasarput. Royal Arctic Line-p misilittagai malillugit nioqqutissanut arlalinnut tunngatillugu, inniminniinnermiit tunniunneqarnissamik tungaannut sapaatit akunneri arfinillit ingerlasinnaasarput. Taamaattumik tikittussamik ullualunniit sapaatit akunnerannut siuartitsineq nioqqutissanik siusinnerusukkut tunniussinermik inerneqartariaqarneq ajorpoq."

Apeqquut 5: Naalakkersuisut kisitsisinik saqqummiussisinnaappat Tasiilaq, Ittoqqortoormiit, Qaanaaq, Upernavik, Uummannaq kiisalu nunaqarfiillu qanittuaniittut ukiuni kingullerni tallimani qasseriartutik pilersaarutaasumik aammalu pilersaarutaasimanngitsumik umiarsuarnik tikinneqarsimanersut?

Akissut: Apeqqutit Royal Arctic Line-mut ingerlateqqippara, tassanngaanniillu ilisimatitsissutigineqarpoq:

"Royal Arctic Line-p tikittussat pilersaarutai piffissap ingerlanerani imatut ineriartorsimapput:

- Tasiilaq: ukiumut tikittussat pilersaarutaasut 25-t aamma 27-t akornanni.*
- Ittoqqortoormiit: ukiumut tikittussat pilersaarutaasut marlunniit pingasunut amerlineqarput.*
- Qaanaaq: ukiumut tikittussat pilersaarutaasut marlunniit pingasunut amerlineqarput.*
- Upernavik eqqaanilu nunaqarfiit: ukiumut tikittussat pilersaarutaasut 28-t aamma 31-t akornanni.*
- Uummannaq eqqaanilu nunaqarfiit: ukiumut tikittussat pilersaarutaasut 31-t aamma 33-t akornanni."*

Tunngaviusumik pilersaarutaanngitsunik tikittoqarneq ajorpoq, umiarsuaatileqatigiiffiup tikittarnerinut angalanissanut pilersaarutit, Naalakkersuisunit akuerineqartut tunngavigineqartarmata.

Kisiannili Royal Arctic Line A/S 2022-mi decembarimi Tasiilami piterareernerata kingorna igalaanik usisumik immikkut ittumik umiarsuaqartitsivoq. Taassuma tikinnera angalanissanut pilersaarutini 2022-meersuni allassimanngilaq, aammalu Naalakkersuisut aamma Royal Arctic Line A/S-ip akornanni ataqatigiissaagaalluni. Taassuma saniatigut ukiuni kingullerni tallimani pilersaarutaanngitsumik umiarsuaqartitsisoqarsimanerani Naalakkersuisut ilisimasaqanngillat.

Apeqquut 6: Naalakkersuisut nalilerpaat Tunumi, Avannaani nunaqarfinnilu innuttaasut ullumikkut ukiut tallimat kingulliit sanilliullugu pitsaanerusumik pilersorneqalersimanersut? Taamaappat suut tunngavigalugit taamatut naliliisoqarpa?

Akissut: Apeqqutit taamaallaat Kalaallit Nunaata Avannaani, Tunumi isorliunerusunilu umiarsuarnik pilersuineranut tunngasutut paasivara. Naalakkersuisut aamma Royal Arctic Line A/S-ip pitsannguiniartutik suliniuteqarnerisa kingunerisaanik Naalakkersuisut isumaqarput, Tunumut, Avannaanut isorliunerusunullu pilersuineq ukiut tallimat kingulliit ingerlanerini pitsanngoriarsimasoq. Matuma siuliani itisiliiffiusumik akissuteqaat takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Iddimangiu Jensen Bianco

Iddimangiiu Jensen Bianco